

საქართველოს მთავრობის

დადგენილება №150

2016 წლის 29 მარტი

ქ. თბილისი

რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის დამტკიცების შესახებ

მუხლი 1

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5 მუხლის „ვ“ ქვეპუნქტის შესაბამისად, დამტკიცდეს თანდართული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამა“.

მუხლი 2

ამ დადგენილების პირველ მუხლში აღნიშნული „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამის“ დაფინანსება განხორციელდეს საქართველოს გარემოს დაცვისა და სოფლის მეურნეობის სამინისტროს სისტემაში შემავალი ა(ა)იპ – სოფლისა და სოფლის მეურნეობის განვითარების სააგენტოსთვის 2019 წლის საქართველოს სახელმწიფო ბიუჯეტით გამოყოფილი ასიგნებების ფარგლებში (პროგრამული კოდებიდან: 31 06 04 02 და 31 06 05).

საქართველოს მთავრობის 2017 წლის 22 თებერვლის დადგენილება №98 – ვებგვერდი, 23.02.2017წ.

საქართველოს მთავრობის 2017 წლის 7 დეკემბრის დადგენილება №531 – ვებგვერდი, 12.12.2017წ.

საქართველოს მთავრობის 2019 წლის 24 აპრილის დადგენილება №205 – ვებგვერდი, 30.04.2019წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 3

დადგენილება ამოქმედდეს გამოქვეყნებისთანავე.

პრემიერ-მინისტრი

გიორგი კვირიკაშვილი

რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამა

მუხლი 1. ზოგადი დებულებები

1. „რძის მწარმოებელი სასოფლო-სამეურნეო კოოპერატივების მხარდაჭერის სახელმწიფო პროგრამა“ (შემდგომში – პროგრამა) წარმოადგენს სასოფლო-სამეურნეო დარგში კოოპერაციის განვითარების მხარდაჭერის ერთ-ერთ ღონისძიებას, რომელიც ხორციელდება საქართველოში რძის წარმოების ხელშეწყობის მიზნით.

2. პროგრამის მიზანია:

ა) საქართველოში რძისა და რძის ნაწარმის წარმოების ხელშეწყობა;

ბ) რძის გადამამუშავებელი ინდუსტრიის ნედლი რძით უზრუნველყოფა;

გ) სასოფლო-სამეურნეო კოოპერატივების ფარგლებში, თანამედროვე ტექნოლოგიებით აღჭურვილი ნედლი რძის მიმღებ-გადამამუშავებელი საწარმოების შექმნა;

დ) ადგილობრივი რძისა და რძის ნაწარმის ხარისხის გაუმჯობესება და კონკურენტუნარიანობის ამაღლება;

ე) სასოფლო-სამეურნეო კოოპერატივებში არსებული მსხვილფეხა საქონლის ჯიშობრივი გაუმჯობესება;

ვ) სოფლად მცხოვრები მოსახლეობის სოციალურ-ეკონომიკური პირობების გაუმჯობესება.



3. პროგრამის ამოცანებია:

- ა) სასოფლო-სამეურნეო კოოპერატივებისათვის თანამედროვე სტანდარტების შესაბამისი მანქანა-დანადგარების თანადაფინანსება და ტექნიკური მხარდაჭერა;
- ბ) ნედლი რძის კონტროლის მიზნით, საველე ლაბორატორიული აღჭურვილობით უზრუნველყოფის მხარდაჭერა;
- გ) უვნებელი, ხარისხიანი რძისა და რძის ნაწარმის წარმოების ხელშეწყობა საქართველოს კანონმდებლობით განსაზღვრული მოთხოვნების შესაბამისად;
- დ) დაბალპროდუქტიული მსხვილფეხა საქონლის ჯიშობრივი გაუმჯობესებისა და პროდუქტიულობის ამაღლების მიზნით, ხელოვნური განაყოფიერებისათვის საჭირო აღჭურვილობის თანადაფინანსება.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 2. პროგრამის განმახორციელებლები და მათ შორის უფლებამოსილების გადანაწილება

- 1. პროგრამის განხორციელებას კოორდინაციას უწევს საქართველოს გარემოს დაცვისა და სოფლის მეურნეობის სამინისტრო.
- 2. პროგრამის განმახორციელებელია საქართველოს გარემოს დაცვისა და სოფლის მეურნეობის სამინისტროს სისტემაში შემავალი ა(ა)იპ – სოფლისა და სოფლის მეურნეობის განვითარების სააგენტო (შემდგომში – სააგენტო).
- 3. პროგრამის განხორციელებაში მონაწილეობენ:

- ა) საქართველოს გარემოს დაცვისა და სოფლის მეურნეობის სამინისტროს სახელმწიფო კონტროლს დაქვემდებარებული სსიპ – სურსათის ეროვნული სააგენტო (შემდგომში – სსიპ – სურსათის ეროვნული სააგენტო), რომელიც უზრუნველყოფს ამ პროგრამის მე-6 მუხლის მე-2 პუნქტის „ა“ და „ბ“ ქვეპუნქტებით გათვალისწინებულ ღონისძიებების განხორციელებას;
- ბ) საქართველოს გარემოს დაცვისა და სოფლის მეურნეობის სამინისტროს სახელმწიფო კონტროლს დაქვემდებარებული სსიპ – საქართველოს სოფლის მეურნეობის სამინისტროს ლაბორატორია, რომელიც უზრუნველყოფს ამ პროგრამის მე-6 მუხლის მე-2 პუნქტის „გ“ ქვეპუნქტით გათვალისწინებულ ღონისძიებების განხორციელებას.

საქართველოს მთავრობის 2018 წლის 29 მარტის დადგენილება №151 - ვებგვერდი, 30.03.2018წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 3. ტერმინთა განმარტება

- ა) სასოფლო-სამეურნეო კოოპერატივი – იურიდიული პირი, რომელიც ახორციელებს სასოფლო-სამეურნეო საქმიანობას და რომელსაც „სასოფლო-სამეურნეო კოოპერატივის შესახებ“ საქართველოს კანონის შესაბამისად მინიჭებული აქვს სასოფლო-სამეურნეო კოოპერატივის სტატუსი;
- ბ) პოტენციური ბენეფიციარი – სასოფლო-სამეურნეო კოოპერატივი, რომელიც პროგრამაში მონაწილეობის მიზნით წარადგენს განაცხადს;
- გ) ბენეფიციარი – სასოფლო-სამეურნეო კოოპერატივი, რომელსაც სააგენტოსთან გაფორმებული აქვს თანადაფინანსების ხელშეკრულება;
- დ) (ამოღებულია - 16.08.2019, №390);



ე) მანქანა-დანადგარები – ამ პროგრამის ფარგლებში შესასყიდი ნედლი რძის შეკრების, გაცივების, ყველის ხარშვის წარმოებისა და პირუტყვის ხელოვნური განაყოფიერებისათვის საჭირო შესაბამისი მოწყობილობები, ლაბორატორიული აღჭურვილობა/ხელსაწყოები და დანადგარები;

ვ) ნედლი რძე – რძე, რომელსაც არ გაუვლია 40⁰C-ზე მაღალ ტემპერატურაზე თერმული (თბური) დამუშავება ან სხვაგვარი დამუშავება, რომელიც მისი შემადგენელი კომპონენტ(ებ)ის ცვლილებას გამოიწვევს.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 4. პროგრამის კომპონენტები

პროგრამა მოიცავს შემდეგ კომპონენტებს:

ა) სააგენტოს თანადაფინანსება;

ბ) ტექნიკური დახმარება.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 5. სააგენტოს თანადაფინანსება

სააგენტოს თანადაფინანსების ფარგლებში:

ა) მაღალმთიან დასახლებაში პროგრამის განმახორციელებელ კოოპერატივებს შეუძლიათ, მიიღონ მანქანა-დანადგარების შესასყიდად 95%-იანი თანადაფინანსება, არაუმეტეს 150,000 ლარისა, იმ შემთხვევაში, თუ ამ სასოფლო-სამეურნეო კოოპერატივის ან/და მისი მეპაიე სასოფლო-სამეურნეო კოოპერატივის ან/და მეპაიე სასოფლო-სამეურნეო კოოპერატივების მეპაიეთა საკუთრებაში არსებული ფურების რაოდენობა ჯამურად აღემატება 50 სულს;

ბ) პროგრამის განმახორციელებელ კოოპერატივებს შეუძლიათ, მიიღონ მანქანა-დანადგარების შესასყიდად 90%-იანი თანადაფინანსება, არაუმეტეს 150,000 ლარისა, იმ შემთხვევაში, თუ სასოფლო-სამეურნეო კოოპერატივის ან/და მისი მეპაიე სასოფლო-სამეურნეო კოოპერატივის ან/და მათ მეპაიეთა საკუთრებაში არსებული ფურების/ცხვრების (ნერბი)/თხების (ნეზვი) რაოდენობა ჯამურად შეადგენს, შესაბამისად, არანაკლებ 150/1000/200 სულს.

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2017 წლის 3 ივლისის დადგენილება №318 – ვებგვერდი, 05.07.2017წ.

საქართველოს მთავრობის 2018 წლის 29 მარტის დადგენილება №151 - ვებგვერდი, 30.03.2018წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 6. ტექნიკური დახმარება

1. ბენეფიციარი პროგრამის ფარგლებში მიიღებს ტექნიკურ დახმარებას.

2. ბენეფიციარი ტრენინგის სახით მიიღებს ტექნიკურ დახმარებას შემდეგი მიმართულებებით:

ა) ნედლი რძის შემკრები პუნქტის ფუნქციონირებასთან დაკავშირებული ტექნიკური და მეთოდოლოგიური საკითხები;

ბ) ნედლი რძის მიღებასა და გადამამუშავებასთან დაკავშირებული სპეციფიკური მოთხოვნების



დანერგვა;

გ) ადგილზე ნედლი რძის ლაბორატორიული გამოკვლევისათვის შესაბამისი მეთოდოლოგიის დანერგვა;

დ) ხელოვნური განაყოფიერებისა და აღჭურვილობის გამოყენებასთან დაკავშირებული სწავლება;

ე) საერთაშორისო გამოფენებში მონაწილეობა და მარკეტინგული მხარდაჭერა.

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 7. პროგრამაში მონაწილეობის მისაღებად დადგენილი პირობები

1. პროგრამაში მონაწილეობის მიღების უფლება აქვთ იმ სასოფლო-სამეურნეო კოოპერატივებს, რომლებიც აკმაყოფილებენ შემდეგ პირობებს:

ა) „სასოფლო-სამეურნეო კოოპერატივის შესახებ“ საქართველოს კანონის შესაბამისად მინიჭებული აქვთ სასოფლო-სამეურნეო კოოპერატივის სტატუსი;

ბ) სასოფლო-სამეურნეო კოოპერატივს ან/და მის მეპაიე სასოფლო-სამეურნეო კოოპერატივს ან/და მათ მეპაიეებს საკუთრებაში ჯამურად ჰყავთ ამ პროგრამის მე-5 მუხლის პირველი პუნქტით დადგენილი ფურების, ცხვრების (ნერბი) ან თხების (ნეზვი) რაოდენობები, რომელიც იდენტიფიცირებულია სსიპ – სურსათის ეროვნული სააგენტოს მიერ;

გ) გააჩნიათ თანამონაწილეობის თანხა (არსებობის დამადასტურებელი დოკუმენტი – ცნობა ბანკიდან ან/და დამტკიცებული სესხის შესახებ ცნობა ან/და დაფინანსების ალტერნატიული წყაროს დამადასტურებელი დოკუმენტი);

დ) არ გააჩნიათ საგადასახადო დავალიანება;

ე) საკუთრებაში გააჩნიათ სსიპ – საჯარო რეესტრის ეროვნულ სააგენტოში რეგისტრირებული მიწის ნაკვეთი ან/და შენობა-ნაგებობა, სადაც სურს ნედლი რძის შემკრებ-გადამამუშავებელი საწარმოს მოწყობა, რომელიც სსიპ – სურსათის ეროვნული სააგენტოს მიერ გაცემული ცნობის შესაბამისად აკმაყოფილებს საქართველოს კანონმდებლობით დადგენილ მოთხოვნებს;

ვ) რეგისტრირებულია „ფერმათა/ფერმერთა რეგისტრაციის პროექტის“ ფარგლებში წარმოებულ რეესტრში.

2. ბენეფიციარი ვალდებულია, საკუთარ ან/და თავისი მეპაიე სასოფლო-სამეურნეო კოოპერატივის ან/და მათი მეპაიეების საკუთრებაში არსებული ფურების, ცხვრების (ნერბი) ან თხების (ნეზვი) რაოდენობა დაადასტუროს სსიპ – სურსათის ეროვნული სააგენტოს მიერ გაცემული ცნობით.

3. ბენეფიციარი ვალდებულია, რძის შემკრებ-გადამამუშავებელი საწარმოსათვის განკუთვნილი შენობა-ნაგებობის, მანქანა-დანადგარებისა და დაგეგმილი საწარმოებელი პროდუქციის ურთიერთშესაბამისობა დაადასტუროს საქართველოს გარემოს დაცვისა და სოფლის მეურნეობის სამინისტროს სისტემაში შემავალი სსიპ – სოფლის მეურნეობის სამეცნიერო კვლევითი ცენტრის მიერ გაცემული ცნობით.

4. იმ შემთხვევაში, თუ ერთი პირი არის 2 (ორი) ან მეტი სასოფლო-სამეურნეო კოოპერატივის მეპაიე, დაუშვებელია, მის საკუთრებაში არსებული ერთი და იგივე საქონელი ფიქსირდებოდეს რამდენიმე პოტენციური ბენეფიციარის განაცხადში.

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2018 წლის 29 მარტის დადგენილება №151 - ვებგვერდი, 30.03.2018წ.



საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 8. (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2017 წლის 3 ივლისის დადგენილება №318 – ვებგვერდი, 05.07.2017წ.

საქართველოს მთავრობის 2018 წლის 29 მარტის დადგენილება №151 - ვებგვერდი, 30.03.2018წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 9. (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2017 წლის 3 ივლისის დადგენილება №318 – ვებგვერდი, 05.07.2017წ.

საქართველოს მთავრობის 2017 წლის 27 ოქტომბრის დადგენილება №480 – ვებგვერდი, 30.10.2017წ.

საქართველოს მთავრობის 2017 წლის 7 დეკემბრის დადგენილება №531 – ვებგვერდი, 12.12.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 10. ბენეფიციარის ვალდებულებები

1. ბენეფიციარი ვალდებულია, განახორციელოს შენობა-ნაგებობის აშენება/მოწყობა/რეკონსტრუქცია, რომელშიც განთავსდება სააგენტოს დაფინანსებით შესყიდული მანქანა-დანადგარები.

2. ბენეფიციარი ვალდებულია, ხელშეკრულების გაფორმებიდან 3 (სამი) წლის განმავლობაში:

ა) არ დაუშვას საწარმოს შენობა-ნაგებობისა და მანქანა-დანადგარების გასხვისება, სააგენტოს წინასწარი ნებართვის გარეშე. სააგენტოს წინასწარი ნებართვის არსებობის შემთხვევაში, საწარმოს შენობა-ნაგებობისა და მანქანა-დანადგარების გასხვისება შესაძლებელია მხოლოდ სასოფლო-სამეურნეო კოოპერატივზე ამ პროგრამით გათვალისწინებული პირობებით გასხვისების შემთხვევაში;

ბ) არ დაუშვას პროგრამით დადგენილი პირუტყვისა და მეპაიეთა რაოდენობის შემცირება;

გ) შეინარჩუნოს სასოფლო-სამეურნეო კოოპერატივის სტატუსი;

დ) მსხვილფეხა რქოსანი პირუტყვის (ფურების) შემთხვევაში, უზრუნველყოს ყოველწლიურად არანაკლებ 140 ტონა ნედლი (45 ტონა მაღალმთიან დასახლებაში) რძის მიღება, გარდა იმ შემთხვევისა, თუ აღნიშნული შეუძლებელია ფორსმაჟორული გარემოების გამო;

ე) მიიღოს აღიარება სსიპ – სურსათის ეროვნული სააგენტოსგან.

3. სააგენტო დატვირთავს პროგრამის ფარგლებში შექმნილ/შემენილ ძირითად საშუალებებს (მათ შორის, შენობა-ნაგებობებს) იპოთეკით/გირავნობით სააგენტოს სასარგებლოდ, ბენეფიციარის ვალდებულებების სრულად შესრულებამდე, საქართველოს კანონმდებლობით განსაზღვრული შემთხვევების გარდა. ამავდროულად, დასაშვებია, სააგენტოს იპოთეკა/გირავნობა იყოს რიგით მეორე მხოლოდ იმ შემთხვევაში, თუ პირველი რიგის იპოთეკარია/მოგირავნეა სესხის გამცემი ბანკი.

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2017 წლის 3 ივლისის დადგენილება №318 – ვებგვერდი, 05.07.2017წ.



მუხლი 10¹. თანადაფინანსების გაცემის პროცედურა

განაცხადის მიღების, განხილვის, თანადაფინანსების დამტკიცებისა და გაცემის დეტალურ პროცედურას შეიმუშავებს სააგენტო.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 11. (ამოღებულია)

საქართველოს მთავრობის 2017 წლის 7 დეკემბრის დადგენილება №531 – ვებგვერდი, 12.12.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 12. (ამოღებულია)

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

მუხლი 13. მონიტორინგი

1. პროგრამის მონიტორინგს ახორციელებს სააგენტო, მის მიერ დამტკიცებული წესის შესაბამისად.

2. ბენეფიციარმა, ხელშეკრულებით გათვალისწინებული მიზნობრიობის შესრულების დასადასტურებლად, უნდა წარადგინოს სსიპ – ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ წარმოებულ რეესტრში არსებული პირის საექსპერტო/აუდიტორული დასკვნა საინვესტიციო ღირებულების მიზნობრივად ხარჯვასა და მიზნობრიობის შესრულებასთან დაკავშირებით, რომელშიც აღწერილი უნდა იყოს დასკვნის მომზადების მეთოდოლოგია და თან უნდა ახლდეს ფულადი სახსრების ხარჯვის დამადასტურებელი დოკუმენტაციის ასლ(ებ)ი (საგადახდო დავალება ან/და სალაროს ჩეკი).

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

დანართი №1 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

დანართი №2 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

დანართი №3 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.



დანართი №4 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

დანართი №5 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

დანართი №6 (ამოღებულია)

საქართველოს მთავრობის 2017 წლის 22 თებერვლის დადგენილება №98 - ვებგვერდი, 23.02.2017წ.

საქართველოს მთავრობის 2017 წლის 3 ივლისის დადგენილება №318 – ვებგვერდი, 05.07.2017წ.

საქართველოს მთავრობის 2019 წლის 16 აგვისტოს დადგენილება №390 – ვებგვერდი, 20.08.2019წ.

